



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Druzbicki, Societatis Jesu, In Dominicas Anni Totius
Meditationes

Druzbicki, Kaspar

Ingolstadii, 1732

VD18 9006643X

Dominica III. post Pascha.

urn:nbn:de:hbz:466:1-45459

quo in æternum pascentur & vivent. Quando autem? nunc quidem ex parte, mi JESU, oves tuæ audiunt vocem tuam, ex parte custodiunt illam; tum autem ex toto & revelatâ facie, cum dices illis: Venite benedicti. O quàm beatus ero, si fuerint reliquæ seminis mei ad audiendam claritatem vocis tuæ! Sonet vox illa tua in auribus meis; Vox enim tua dulcis, & facies tua decora. Tunc verò erit unum ovile & unus Pastor, tunc vades ante oves tuas, & ipsæ ingredientur & egredientur post te, & pascua invenient semper, quia tu eris pascuus ipsarum, de te, & gloria tua satiabuntur, & pascentur in æternum usque, & ultra.

DOMINICA III.

Post Pascha.

I. Modicum & non videbitis me. Joan. 16.

Verè modicum est quin à nobis videatur JESUS. Modicum, siquidem species Panis, obstat quominus ipsa Divinitas latens cum humanitate videatur. Sed ô fides sustine modicum; sustine invisibilem quasi videns eum, sustine latentem quasi verè præsentem? Ne tristeris, anima mea, quod per modicum non videas JESUM tuum, ecce supplebitur damnum tuum, gustabis namque eum, quem modicum non vides. Nunc enim mavis ad tempus illius carere visione, cujus plenam accipis gustationem. In tua, anima, potestate est, tantum gustare quantum vis, dummodo præparata accedas. Purga linguam, acue palatum & gustam. Quanquam quid gustatione pensari visionem dico?

g. DRUCK =
Bicki
Operi ascel
TOMUS III
N: V
58

Quando dico? non pensatur sed gustatio præcedit; Gustate enim & videte ait Psaltes, vis videre Jesum anima serva ordinem. Gusta prius, ut videas? Non est enim cibus carnis sed spiritus. Cibus quidem carnis prius videtur quàm gustatur; Cibus verò animæ, prius gustatur quàm videtur, prius sentitur, quàm cognoscitur, prius possidetur quàm videtur, nisi enim possidetur non videretur. Adeò sincerè nobiscum agit Deus, ut prius se nobis gustandum quàm videndum tribuat; quo ipsi judicare probareque possimus, Dignusne sit quem videre desideremus, ad quem videndum aspiremus, oculosque nostros extollamus. Lauda, ô anima mea, mirare, totique mundo & creaturis omnibus tantam Jesu benignitatem prædica, redde te illi totam, festinaque ad ipsum gustandum & videndum.

2. *Modicum & videbitis me.*

Gustine Dominum anima mea, cupisne dissolvi & esse cum Christo? modicum & videbis eum. Premunt te afflictiones, ita ut vivere videat? modicum & videbis me, ait Dominus. Modica tibi necessaria est patientia. multas videris tibi injurias laboresque sustinere? modicum & videbis me, ait Jesus, Pro isto modico, brevi, & momentaneo tribulationis præsentis, æternum gloriæ pondus habebis, id est, visione Dei perfrueris, Jesumque videbis. An sufficit laboribus præmium hoc? verè modicum à nobis exigitur ut possimus videre Jesum, Fac modicum, dicit Christus, & videbis me, contende modicum, eleva oculos, exi foras, ascende arborem syccomorum, abi ad discipulos & dic eis volo videre Jesum: nonne ista modica sunt?

K 5

fac

fac illa, & videbis Jesum: modicum est Fides, modicum est amare Deum, modicum est quod Dominus ait, Nolite judicare, & illud; Quod superest date eleemosynam, & omnia mundicia sunt vobis. Fac ista modica & videbis Jesum. O quàm modicæ res istæ sunt, quæ ad tam magnas perducunt!

3. *Modicum & jam non videbitis me.*

O! Si considerarem quàm modica ista sunt quæ nos à Deo separant & avertunt, quæ nos à perfectione vitæ & multis meritis retrahunt! puderet sanè nos dementia illius. Contemne tandem anima mea modica ista, eaque par est æstima. Propter modicos defectus venialiaque peccata aut omissiones leves, visio Dei saltem ad tempus aufertur, arcetur anima à complexu dulcissimi sui sponsi, aspersa pulvisculis istis. Excute illos, & quantum potes, à ventilibus abstine.

4. *Modicum.*

Modica creatura est quæ à Magno Deo nos separat. Cogita totum quod in mundo est, nonne modicum est? Percurre omnia quæ sunt, vivunt, sentiunt, intelligunt, nonne modica sunt? Percurre ea quæ ad splendorem, pompam, honores, divitias, delicias, potentiam, majestatem optari possunt, nonne modica sunt? Te ipsum considera quod es, vivis, sentis, intelligis, duras, quod possides, desideras, habes, nonne modica sunt? Dixit Psaltes; Verumtamen universa vanitas, omnis homo vivens. Cogita tandem; Deum creatorem tuum, quantus ipse est? Et tamen si illa modica spernis, Deus se

G. Dr. L. Z. =
Bicki
Opere abceel
Tomus III
N. V
58

donat; si verò hæc modica amplecteris,
Deus tibi se se negat.

5. *Modicum.*

Modicum est vita mea: Ergo urgere perfe-
ctionem meam debeo. Modicum hæc-
tenus pro Deo, cælo, salute mea laboravi: Ergo
Nunc capi, & magnis passibus præteritæ
negligentiæ damna pensare volo. Modicum
sunt merita mea: Ergo non est unde superbiam,
unde magnam mercedem expectem. Mo-
dicum ferveo, & tamen hoc fervore, in æternum
pervere, & vigere, & vivere volo. Modicum ro-
boris & virium habeo, tam facillè pecco, quam
facile spiro: Ergo cautè mihi ambulandum:
Ergo Dei auxilium jugiter implorandum est.
Modicum valde est quo perdere cælum, mereri
æternum possum. Modicum est pro quo cæ-
lum promittitur, quo cælum venditur, quo
Deus possidetur: Ama, & habes eum. Quid
facillius, quàm velle, quam amare? Amanti ni-
hilominus dat Deus seipsum. Proh! quantum
pretium, quam modico labore? Et tamen in
hoc modico, pigri & infideles passim invenimur.
Modicum illud hominum est, quod in cælo est
pretium, nam multi sunt vocati, pauci electi;
pauci pro cælo laborant, prout laborandum
est. Illudimus Deo plurimi nugantes, & quid-
am aliud curantes ferventius quam salutem no-
stram; quod loquor quoque de his, qui nulli
reus rei se vacare prætendunt quam Deo. Pau-
ci salvandi sunt: Timete itaque Deum, etiam
omnes Sancti ejus, etiam vos virtute potentes,
cum timore & tremore operemini salutem ve-
stram. Etsi enim magna est misericordia Dei, &
parata

parata

parata recipere poenitentes, attamen terret me veritas ista, quia angusta est porta quæ ducit ad vitam, & pauci sunt qui inveniunt eam. Deus bone! pauci sunt qui inveniunt! Ergo fortè pauciores qui intrant: ergo fortè pauciores qui salvantur! Deus meus! inveni quidem portam, video me esse in via, sed da Domine intrare, da progredi, da transire usque in locum tabernaculi admirabilis, usque ad domum tuam.

7. *Nescimus quid loquitur.*

Incognita lingua videtur hominibus, quando illis dicitur, Modicum, quando repetitur, modicum. Omnia enim existimant magna, observant ut magna, desunt ut magna: ô stulti, modica sunt ista, imo ad vile nihilum tendentia; verum hoc non capiunt homines, & dicunt, Nescimus quid loquitur. Sic enim terrena curant, ac si Evangelio non crederent. Sed verè nesciunt, quia verba medullitus non intellegunt, sensumque eorum non penetrant, nec intelligunt corde.

7. *Plorabitis vos, mundus gaudebit.*

Ad oculum patent ista. Quis enim contemnitur nisi servus Dei? Quis deridetur, nisi justus simplicitas? Quis verò honoratur nisi amicus mundi? At noli amulari in malignantibus anima mea, Elige abjecta esse in Domo Dei, magis quàm habitare in tabernaculis peccatorum. Tabernacula enim sunt transitura, non domus æternitatis. Elige modicum hunc planetum, ut gaudium possideas sempiternum. Sic enim ait veritas! Tristitia vestra vertetur in gaudium. Verè vertetur, & nunquam immutabitur; quia gaudium tuum Deus erit, qui non mutatur,

g. Drellz =
bicki
opert ascel
Tomus III
N: V
58

mutatur, quique nunquam recedet à te, quia
gaudium tuum nemo tollet à te, sed erit Dilectus
tuus tibi, & ad te conversio illius in æternum.

DOMINICA IV.

Post Pascha.

1. *Et nemo ex vobis interrogat me, quo vadis?*

Joan. 16.

Merito JESUS conqueritur de iis, qui com-
municantes, eum non interrogant, Quo
vadis? Quo vadis? quique nihil considerantes
eorum quæ agunt, cum quo, aut quomodo
agunt, Corpus Domini non dijudicant. O Do-
mine quo vadis? ad mense vadis? ad peccatri-
cem creaturam tuam, ad fugitivum debitorem
tuum, ad proditorem tuum, ad locum plenum
hororis, squaloris, sordium, immunditiæ, vani-
tatis, superbiæ? O Domine! quo vadis? Da
mihi, piè JESU, penetrando cognoscere quo va-
dis, quando ad me in Sanctissimo Sacramento
vadis? Sed adhuc interrogo Domine JESU,
Quo vadis, ad eum quem ad gloriam tuam
creasti, ad eum quem sanguine tuo emisti, ad
eum quem infinitis beneficiis in singula mo-
menta afficis? ad eum quem de millibus in ser-
vum, in discipulum tuum, in amicum, in spon-
sum tuam elegisti. Rursum Domine JESU inter-
rogo, Quo vadis? de sinu Patris, de gloria, de
adorationibus, & laudibus Angelicis vadis ad
me? An finis meus nobilior paterno sinu? an
anima mea cælum? an cor meum gloria tua? an
ego te purius castiusque adoro, quam Angeli
sunt? O Domine Quo vadis? Sed vadis ditare
paupe-